

- 1' Der narr Marsyas der verlor
- 2' Das man jm ab zoch hut vnd hor
- 3' Hielt doch die sackpiff / noch als vor

Kap. 67



Nit wellen eyn narr syn

- 1 Die eygenschafft hat yeder narr
- 2 Das er nit kan genemen war
- 3 Das man syn spott / dar vmb verlor
- 4 Der narr Marsyas / hut vnd hor

5 Aber narrheyt ist so verblent
 6 Eyn narr zů allen zyten wânt
 7 Er sy witzig / so man syn lach
 8 Vnd eyn jufftåding vß jm mach
 9 Stelt er sich ernstlich zů der sach /
 10 Das man jn ouch für witzig halt
 11 Biß jm die pfiff vß dem ermel falt /
 12 Wer vil gůt hat / der hat vil fründ
 13 Dem hilfft man redlich ouch zů sünd
 14 Eyn yeder lügt wie er jn schynd
 15 So lang das wert / biß er würt arm
 16 So spricht er heu / das gott erbarm
 17 Wie hatt ich vor / nochlouff so vil
 18 Keyn fründ ist / der mich trösten wil /
 19 Hett ich das vor by zyt betracht
 20 Jch wår noch rich / vnd nit veracht /
 21 Eyn groß torheyt ist das für wor
 22 Welcher verdüt jn eynem jor
 23 Do er syn tag solt leben mitt
 24 Das er das üppeklich vß gyt
 25 Vnd meynt zytlich fyroben han
 26 Das er mög noch dem båttel gan
 27 So jm dann stosßt vnder syn hend
 28 Armüt / verachtung / spott / ellend /
 29 Vnd er zerrissen loufft / vnd bloß
 30 So kumbt jm dann der ruwen stoß /
 31 Wol dem / der jm fründ machen kan
 32 Vß gůt / das er doch hie muß lan
 33 Die jn trösten vnd by jm ston /
 34 So er ist allenthalb verlon

35 Dar gegen ist mancher narr vff erd
 36 Der sich an nymbt nãrscher geberd
 37 Vnd wann man jnn joch schünd vnd süt
 38 So kund er doch gantz nütz dar mitt
 39 Dann das er ettwan die oren schütt
 40 Will nãrrisch syn mitt allem fliß
 41 Doch nyemans gfeltt syn narren wiß /
 42 Wie wol er glich eym narren dût
 43 Nymbt doch syn schympff niemans für gût
 44 Ouch sprechen von jm etlich gsellen
 45 Der narr wolt sich gern nãrrisch stellen
 46 So kan er weder wiß noch gbãrd
 47 Er ist eyn narr / vnd nyemans werd /
 48 Vnd ist eyn seltzen ding vff erd
 49 Mancher will syn eyn witzig man
 50 Der sich doch nymbt der dorheyt an
 51 Vnd meynt das man jn rûmen sol
 52 Wann man spricht / der kan narrheyt wol
 53 Dar gegen sint vil narren ouch
 54 Die vß gebrütet hat eyn gouch
 55 Die wellen von der wißheyt sagen
 56 Es sy gehowen oder gschlagen
 57 So went sie witzig syn gezelt
 58 So man die doch für narren heltt /
 59 Wann man eyn narren knütschet kleyn
 60 Als man den pfeffer dût jm steyn
 61 Vnd stieß jn dar jnn joch lang jor
 62 So blib er doch eyn narr als vor
 63 Dann yedem narren das gebrist /
 64 Das wonolff / btriegolffs brüder ist

35 mancher *GW5046 GW5047*] manch *GW5041* 58 die *GW5046 GW5047*] fie *GW5041*

65 Mancher der ließ sich halber schynden
 66 Vnd jm alle viere mit seylen bynden
 67 Das jm alleyn ging gelt dar vß
 68 Vnd er vil golds hett jm sym huß
 69 Der lytt ouch das er låg zů bett
 70 Vnd er der richen siechtag hett
 71 Vnd man jn wie eyn búben schiltt
 72 Echt er dar von hett zynß vnd gültt
 73 Mit zymlich nyeman bnügen will
 74 Wer vil hat / der will han zů vil
 75 Vß richtum vbermút entspringt
 76 *Richtum* gar selten demút bringt
 77 Was soll eyn dreck wann er nit stinckt /
 78 Vil sint alleyn / die hant keyn kynd
 79 Keyn brúder noch sunst nohe fründ
 80 Vnd hören nit vff arbeyten doch
 81 Jr ougen fült keyn richtum ouch
 82 Noch gdencken nit / wem werck ich vor
 83 Hab úbelzyt ich gouch vnd tor
 84 Gott gibt manchem richtum vnd ere
 85 Vnd gbrist synr sel / nüt anders mer
 86 Dann das jm gott nitt dar zů gitt
 87 Das er das bruch zů rechter zytt
 88 Ouch das nit nyessen zymlich gtar
 89 Jo es eym frómbden fúller spar /
 90 Tantalus sitzt jnn wassers lust /
 91 Vnd hat an wasser doch gebrust
 92 Wie wol er sicht die óppfel an
 93 Hat er doch wenig freúd dar von
 94 Das schafft / das er jm selbs nüt gan

68 jm GW5046 GW5047] jnn GW5041 76 Richtum] Rich um GW5046